

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

ঢাকা, রোববার ৩০ অক্টোবর ২০১৬, ১৫ কার্তিক ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। আজীবন ছাত্র থাকার প্রতিজ্ঞা করা উচিত : অর্থমন্ত্রী
- ২। দেশ সঠিক পথে এগিয়ে চলছে : ভোলা জেলা যুবলীগের সম্মেলনে বাণিজ্যমন্ত্রী
- ৩। সুনামগঞ্জের হাওরবেষ্টিত এলাকায় আরও ৪টি হাসপাতাল হবে : স্বাস্থ্য ও পরিবার কল্যাণ মন্ত্রী
- ৪। ইয়াবা ফ্যাক্টরিগুলো বন্ধে মিয়ানমারের প্রতি স্বরাষ্ট্রমন্ত্রীর আহ্বান
- ৫। আঞ্চলিক থ্রিআর ফোরামে যোগ দিতে অস্ট্রেলিয়া যাচ্ছেন শিল্পমন্ত্রী
- ৬। পেট্রোল পাম্প ও সিএনজি স্টেশনের ধর্মঘট প্রত্যাহার
- ৭। আওয়ামী লীগের কেন্দ্রীয় কার্যনির্বাহী সংসদের পূর্ণাঙ্গ কমিটি ঘোষণা
- ৮। নির্বাচন নিয়ে সকাল বিকাল সংলাপের প্রয়োজন নেই : তথ্যমন্ত্রী
- ৯। কোনো অবৈধ দখলদারকে এক ইঞ্জি রাস্তাও দখল করতে দেওয়া হবে না
: ঢাকা দক্ষিণ সিটি কর্পোরেশনের মেয়র
- ১০। আয়কর মেলা শুরু আগামী মঙ্গলবার
- ১১। গুলশান হামলায় ব্যবহৃত অস্ত্র ভারতে তৈরি করে পাকিস্তানের কারিগর
: এনআইএর বরাতে টাইমস অব ইন্ডিয়ার প্রতিবেদন
- ১২। শ্যামাপূজা-দীপাবলী উৎসব উদ্‌যাপন

১। **আজীবন ছাত্র থাকার প্রতিজ্ঞা করা উচিত : অর্থমন্ত্রী**

অর্থমন্ত্রী আবুল মাল আবদুল মুহিত বলেছেন, সবাইকে আমার মতো আজীবন ছাত্র থাকার প্রতিজ্ঞা করা উচিত। মাধ্যমিক, উচ্চ মাধ্যমিক, মাস্টার্স পাস করলেই পড়ালেখা শেষ হয় না। জ্ঞান আহরণের জন্য আজীবন ছাত্র হিসেবে ব্রত থাকতে হবে। গতকাল ২৯ অক্টোবর শনিবার ডাচ-বাংলা ব্যাংকের শিক্ষাবৃত্তি প্রদান অনুষ্ঠানে প্রধান অতিথির বক্তব্যে উপস্থিত শিক্ষার্থীদের উদ্দেশ্যে তিনি এসব কথা বলেন। সূত্র-ইনকিলাব (শেষ পৃ.,ক.৫), যুগান্তর (পৃ.১৩,ক.৫), বাংলাদেশ টুডে (পৃ.১০,ক.১), অবজারভার (পৃ.৪,ক.১)।

২। **দেশ সঠিক পথে এগিয়ে চলছে : ভোলা জেলা যুবলীগের সম্মেলনে বাণিজ্যমন্ত্রী**

বাণিজ্যমন্ত্রী তোফায়েল আহমেদ বলেছেন, সামাজিক ও অর্থনৈতিক ক্ষেত্রসহ প্রায় সব ক্ষেত্রে বাংলাদেশ আজ পাকিস্তান-ভারতের চেয়ে এগিয়ে। প্রধানমন্ত্রী শেখ হাসিনার নেতৃত্বে দেশ সঠিক পথে এগিয়ে চলছে। তিনি শুধু বাংলাদেশের নেতা নন, তিনি আজ আন্তর্জাতিক বিশ্বে সম্মানিত, স্বীকৃত একজন মহান নেতা। রফতানি চিত্র তুলে ধরে বাণিজ্যমন্ত্রী বলেন, আমরা পৃথিবীর সকল দেশে পণ্য রফতানি করি। ২০২১ সালে রফতানি হবে ৬০ বিলিয়ন ডলারের বেশি। গতকাল ২৯ অক্টোবর শনিবার বর্ণাঢ্য আয়োজনের মধ্য দিয়ে ভোলা জেলা যুবলীগের ত্রিবার্ষিক সম্মেলনে প্রধান অতিথির বক্তব্যে তিনি এসব কথা বলেন। সূত্র-সমকাল (পৃ.১৯,ক.৫), ইত্তেফাক (পৃ.২,ক.১), বাংলাদেশ টুডে (শেষ পৃ.,ক.৫), এশিয়ান এজ (পৃ.১১,ক.৪)।

৩। **সুনামগঞ্জের হাওরবেষ্টিত এলাকায় আরও ৪টি হাসপাতাল হবে : স্বাস্থ্য ও পরিবার কল্যাণ মন্ত্রী**

স্বাস্থ্য ও পরিবার কল্যাণ মন্ত্রী মোহাম্মদ নাসিম বলেছেন, ২০১৯ সালের একদিন আগেও দেশে সংসদ নির্বাচন হবে না। এছাড়া সাংবিধানিকভাবে প্রধানমন্ত্রী শেখ হাসিনার অধিনেই নির্বাচন হবে। স্বাস্থ্যমন্ত্রী বলেন, দ্রুততম সময়ের মধ্যেই সুনামগঞ্জের দিরাই ও শাল্লায় ডাক্তার নার্স দেওয়া হবে। স্বাস্থ্য মন্ত্রণালয়ের ক্ষমতার সর্বোচ্চ অগ্রাধিকার দিয়ে এ হাওরবেষ্টিত এলাকায় আরও ৪টি পূর্ণাঙ্গ হাসপাতাল নির্মাণ করা হবে। গতকাল ২৯ অক্টোবর শনিবার দিরাই উপজেলা সদরে নবনির্মিত ৫০ শয্যা বিশিষ্ট হাসপাতাল ভবন উদ্বোধন উপলক্ষে আয়োজিত জনসভায় প্রধান অতিথির বক্তব্যে তিনি এসব কথা বলেন। সূত্র-যুগান্তর (পৃ.১৫,ক.৮), সমকাল (পৃ.১৯,ক.৮), ইত্তেফাক (শেষ পৃ.,ক.৮)।

৪। **ইয়াবা ফ্যাক্টরিগুলো বন্ধে মিয়ানমারের প্রতি স্বরাষ্ট্রমন্ত্রীর আহ্বান**

মিয়ানমারের ভূখণ্ডে অবস্থিত নিষিদ্ধ মাদক ইয়াবার ফ্যাক্টরিগুলো বন্ধ করতে কার্যকর ব্যবস্থা গ্রহণের জন্য দেশটির প্রতি আহ্বান জানিয়েছেন স্বরাষ্ট্রমন্ত্রী আসাদুজ্জামান খান কামাল। মাদকদ্রব্যের পাচার প্রতিরোধের লক্ষ্যে শ্রীলঙ্কার রাজধানী কলম্বোয় ভারত মহাসাগরীর অঞ্চলের স্বরাষ্ট্রমন্ত্রীদের এক উচ্চপর্যায়ের বৈঠকে স্বরাষ্ট্রমন্ত্রী বলেন, বাংলাদেশে কোনো ধরনের মাদক উৎপাদিত না হওয়া সত্ত্বেও প্রতিবেশি দেশ থেকে আন্তঃসীমান্ত মাদক পাচারের কারণে দেশটির জনগণকে চরম ক্ষতির সম্মুখীন হতে হচ্ছে। সূত্র-ইনকিলাব (শেষ পৃ.,ক.৫), ইত্তেফাক (পৃ.২,ক.৬), নিউজ টুডে (পৃ.১,ক.১), এশিয়ান এজ (পৃ.১,ক.১)।

৫। **আঞ্চলিক ত্রিআর ফোরামে যোগ দিতে অস্ট্রেলিয়া যাচ্ছেন শিল্পমন্ত্রী**

অস্ট্রেলিয়ার এডেলেইডে অনুষ্ঠেয় শিল্পবর্জ্য ব্যবস্থাপনাবিষয়ক সপ্তম এশিয়া ও প্রশান্ত মহাসাগরীয় আঞ্চলিক ত্রিআর ফোরামে অংশ নেবেন শিল্পমন্ত্রী আমির হোসেন আমু। এতে যোগ দিতে আজ ৩০ অক্টোবর রোববার রাতে অস্ট্রেলিয়ার উদ্দেশ্যে ঢাকা ত্যাগ করবেন তিনি। জাতিসংঘের আঞ্চলিক উন্নয়ন কেন্দ্র ইউনাইটেড ন্যাশন সেন্টার ফর রিজিওন্যাল ডেভেলপমেন্ট-ইউএনসিআরডির আমন্ত্রণে তিনি এ ফোরামে যোগ দিচ্ছেন। আগামী ২-৪ নভেম্বর এডেলেইড কনভেনশন সেন্টারে এ ফোরাম অনুষ্ঠিত হবে। অস্ট্রেলিয়া ও জাপান সরকার যৌথভাবে এর আয়োজন করেছে। এতে গত বছর ২৫-২৭ সেপ্টেম্বর নিউইয়র্কে অনুষ্ঠিত জাতিসংঘ টেকসই উন্নয়ন সম্মেলনে গৃহীত এসডিজি লক্ষ্যমাত্রা অর্জনের অগ্রগতি নিয়ে আলোচনা হবে। সূত্র-ভোরের কাগজ (পৃ.৯,ক.১), নিউজ টুডে (পৃ.৩,ক.৩), এশিয়ান এজ (পৃ.১১,ক.৮)।

৬। পেট্রোল পাম্প ও সিএনজি স্টেশনের ধর্মঘট প্রত্যাহার

পেট্রোল পাম্প ও সিএনজি (রূপান্তরিত প্রাকৃতিক গ্যাস) স্টেশনগুলোতে আজ থেকে ডাকা ধর্মঘট প্রত্যাহার করা হয়েছে। গত ২৯ অক্টোবর শনিবার রাজধানীর বিআরটিএ'তে ধর্মঘট আহ্বানকারীদের সঙ্গে বৈঠকের পর এই ধর্মঘট প্রত্যাহারের কথা জানান সড়ক পরিবহণ ও সেতুমন্ত্রী ওবায়দুল কাদের। সূত্র-জনকণ্ঠ (শেষ পৃ.,ক.৫), সমকাল (পৃ.২,ক.৫), বাংলাদেশ টুডে (পৃ.১১,ক.১), অবজারভার (শেষ পৃ.,ক.৭)।

৭। আওয়ামী লীগের কেন্দ্রীয় কার্যনির্বাহী সংসদের পূর্ণাঙ্গ কমিটি ঘোষণা

সম্মেলনের এক সপ্তাহের মাথায় পূর্ণাঙ্গ কেন্দ্রীয় কমিটি ঘোষণা করেছে ক্ষমতাসীন দল আওয়ামী লীগ। সেই সঙ্গে ঘোষণা করা হয়েছে ৩৮ সদস্যের উপদেষ্টা পরিষদ, ১১ সদস্যের সংসদীয় বোর্ড এবং ১৯ সদস্যের স্থানীয় সরকার নির্বাচন মনোনয়ন বোর্ডের পূর্ণাঙ্গ তালিকাও। গত ২৮ অক্টোবর শুক্রবার রাতে সভাপতিমন্ডলীর সভা শেষে দলের অষ্টমবারের মতো পুনর্নির্বাচিত সভাপতি ও প্রধানমন্ত্রী শেখ হাসিনা এই পূর্ণাঙ্গ কমিটির অনুমোদন দিয়েছেন। তিনি আগামী দিনের নির্বাচনী চ্যালেঞ্জ মোকাবেলায় প্রবীণের অভিজ্ঞতার ঝুলিতে এবার নবীনদের সম্মেলন ঘটিয়েছেন কেন্দ্রীয় কমিটিতে। সূত্র-জনকণ্ঠ (পৃ.১,ক.৮), সংবাদ (শেষ পৃ.,ক.২), বাংলাদেশ টুডে (পৃ.১,ক.৭), নিউজ টুডে (পৃ.১,ক.৫)।

৮। নির্বাচন নিয়ে সকাল বিকাল সংলাপের প্রয়োজন নেই : তথ্যমন্ত্রী

তথ্যমন্ত্রী হাসানুল হক ইনু বলেছেন, নির্বাচন নিয়ে সকাল বিকাল সংলাপের প্রয়োজন নেই। কারণ এই মুহূর্তে নির্বাচন নিয়ে কোনো সঙ্কট নেই। নির্বাচন বা গণতন্ত্র কোনটিই সমস্যা নয়। সমস্যা হলো জঙ্গিবাদ। বেগম খালেদা জিয়া বার বার গণতন্ত্রের কথা বলে যুদ্ধাপরাধীদের পক্ষ নিয়েছেন। জঙ্গি, সন্ত্রাস ও হেফাজতে ইসলামের তাড়বকে তিনি সমর্থন করেছেন। জঙ্গি, সন্ত্রাসীদের রক্ষা করতে বিবৃতি দিয়েছেন। তথ্যমন্ত্রী হাসানুল হক ইনু গতকাল ২৯ অক্টোবর শনিবার কুষ্টিয়ায় মিরপুর মহিলা কলেজে কৃতী শিক্ষার্থীদের সংবর্ধনা অনুষ্ঠানে এসব কথা বলেন। সূত্র-জনকণ্ঠ (শেষ পৃ.,ক.১), ইত্তেফাক (পৃ.২,ক.৩), ভোরের কাগজ (শেষ পৃ.,ক.৫), এশিয়ান এজ (পৃ.৩,ক.১)।

৯। কোনো অবৈধ দখলদারকে এক ইঞ্জি রাস্তাও দখল করতে দেওয়া হবে না

: ঢাকা দক্ষিণ সিটি কর্পোরেশনের মেয়র

কোনো অবৈধ দখলদারকে এক ইঞ্জি রাস্তাও দখল করতে দেওয়া হবে না বলে জানিয়েছেন ঢাকা দক্ষিণ সিটি কর্পোরেশনের মেয়র মোহাম্মদ সাঈদ খোকন। একই সঙ্গে অবিলম্বে গুলিস্তানের হকারদের অস্থায়ীভাবে পুনর্বাসন করার পর হকার উচ্ছেদ করার ঘোষণা দিয়েছেন তিনি। এজন্য তিনি গুলিস্তান মহানগর নাট্যমঞ্চের পাশের যে কোনো স্থানে আড়াই হাজারের বেশি হকারকে পুনর্বাসন করার বিষয়ে পরিকল্পনার কথা জানান। গতকাল ২৯ অক্টোবর শনিবার রাজধানীর গুলিস্তান নগর ভবনে ডিএসসিসির সাধারণ ও সংরক্ষিত নারীসহ মোট ৭৬ কমিশনারকে নিয়ে ফুটপাথ অবৈধ দখলমুক্ত করার লক্ষ্যে করা জরুরি বৈঠকে মেয়র এসব কথা বলেন। সূত্র-জনকণ্ঠ (পৃ.১,ক.৫), ইত্তেফাক (পৃ.১৯,ক.৮), বাংলাদেশ টুডে (শেষ পৃ.,ক.৬), ইন্ডিপেন্ডেন্ট (পৃ.৪,ক.২)।

১০। আয়কর মেলা শুরু আগামী মঙ্গলবার

আগামী ১ নভেম্বর মঙ্গলবার থেকে সপ্তাহব্যাপী আয়কর মেলা অনুষ্ঠিত হবে। মেলাটি আগামী ১ থেকে ৭ নভেম্বর পর্যন্ত রাজধানীসহ বিভাগীয় শহরগুলোতে অনুষ্ঠিত হবে। পাশাপাশি জেলা ও উপজেলা পর্যায়েও এ মেলা চলবে। এটি হবে সপ্তম আয়কর মেলা। জাতীয় রাজস্ব বোর্ড এনবিআর সূত্রে এ তথ্য জানা গেছে। অফিসার্স ক্লাবের পরিবর্তে রাজধানীর আগারগাঁওয়ে নির্মিত এনবিআরের ভবনে এ মেলা অনুষ্ঠিত হবে। এনবিআর চেয়ারম্যান নজিবুর রহমান বলেন, চলতি করবর্ষ থেকে অনলাইনে রিটার্ন জমা দেয়ার পদ্ধতি চালু করা হবে। সূত্র-ভোরের কাগজ (পৃ.৯,ক.৫), ইত্তেফাক (পৃ.১৮,ক.১), যুগান্তর (পৃ.১৩,ক.৬)।

১১। গুলশান হামলায় ব্যবহৃত অস্ত্র ভারতে তৈরি করে পাকিস্তানের কারিগর

: এনআইএর বরাতে টাইমস অব ইন্ডিয়ার প্রতিবেদন

গুলশানে হলি আর্টিজানে জঙ্গি হামলায় ব্যবহৃত আগ্নেয়াস্ত্র ভারতের পশ্চিমবঙ্গের মালদহ জেলায় তৈরি করা হয়। অস্ত্র তৈরির কারিগর ছিল পাকিস্তানের পেশোয়ার ও কোহাটের মাঝামাঝি বসবাসকারী দারা আদম খেল সম্প্রদায়ের লোকেরা। কারিগররা প্রথমে ভারতের বিহারের মুঙ্গের শহরে আসে। কিন্তু মুঙ্গেরের কারখানায় একে-২২ রাইফেল তৈরির সক্ষমতা না থাকায় তারা মালদহে আসে। সেখানে জেএমবির একটি ঘাঁটিতে এসব আগ্নেয়াস্ত্র তৈরি হয়। পরে চাঁপাইনবাবগঞ্জ সীমান্ত দিয়ে এসব অস্ত্র বাংলাদেশে চোকে। ভারতের জাতীয় তদন্ত সংস্থার কর্মকর্তাদের তদন্তের তথ্য দিয়ে গতকাল ২৯ অক্টোবর শনিবার দেশটির প্রভাবশালী গণমাধ্যম টাইমস অব ইন্ডিয়ার অনলাইন

সংস্করণে এমন প্রতিবেদন প্রকাশ করা হয়। সূত্র-ইত্তেফাক (পৃ.১,ক.৫), সমকাল (শেষ পৃ.,ক.৪), এশিয়ান এজ (পৃ.১,ক.১) অবজারভার (পৃ.১,ক.৭)। সংবাদ, জনকর্ষ এ বিষয়ে লিড নিউজ ছেপেছে।

১২। শ্যামাপূজা-দীপাবলী উৎসব উদযাপন

হিন্দু সম্প্রদায়ের দ্বিতীয় বৃহত্তম ধর্মীয় উৎসব শ্যামাপূজা ও আলোক উৎসব শুভ দীপাবলী উদযাপিত হয়েছে। গতকাল ২৯ অক্টোবর শনিবার সন্ধ্যায় দীপাবলী ও গভীর রাতে শক্তিরূপিনী মা শ্যামাপূজা অনুষ্ঠিত হয়। এ দিন সন্ধ্যায় হিন্দু ধর্মাবলম্বীরা তাদের বাড়িঘর, দোকানপাটসহ সমগ্র এলাকায় আলোকবর্তিকা মোমবাতি ও বৈদ্যুতিক আলোকে সজ্জিত করে আলোক উৎসব দীপাবলী পালন করেন। অন্ধকারময় অশুভ শক্তির অবসানে এই আলোক উৎসব। গতকাল ২৯ অক্টোবর শনিবার সন্ধ্যায় ভক্তরা প্রদীপ প্রজ্জ্বলন করেন এবং মঙ্গল শঙ্খ বাজিয়ে উৎসবের সূচনা করেন। সূত্র-ভোরের কাগজ (শেষ পৃ.,ক.৫), সংবাদ (শেষ পৃ.,ক.৫), সমকাল (পৃ.৪,ক.২)।

সম্পাদকীয়

- ক. **ইত্তেফাক** : দেশের সকল ডাকঘরকে ই-কমার্সের কেন্দ্রবিন্দু হিসেবে গড়ে তোলার পরিকল্পনার সফল বাস্তবায়নের প্রত্যাশা।
- খ. **জনকর্ষ** : ১০৯৮ নম্বরের শিশু অনলাইন হেল্পলাইন চালু ও টেলিফোনের পাশাপাশি অনলাইনের ব্যবহারের মাধ্যমে বিচারকাজ চালানোর ব্যবস্থাকে যুগান্তকারী পদক্ষেপ বলে অভিমত প্রকাশ করে এসব পদক্ষেপের সাফল্যের প্রত্যাশা।
- গ. **সংবাদ, ইনকিলাব, ডেইলি স্টার** : রাজধানীর গুলিস্তানে ফুটপাতে হকার উচ্ছেদের মাত্র ১৬ ঘন্টা পর পুনরায় ফুটপাত দখল হওয়ার মূল কারণ চাঁদাবাজি বলে উল্লেখ করে এসব চাঁদাবাজদের সবার আগে নিয়ন্ত্রণ করতে তাদের বিরুদ্ধে আইনি ব্যবস্থা নেওয়ার সুপারিশ।
- ঘ. **প্রথম আলো** : রাজধানীর মতিঝিলে বাংলাদেশ ব্যাংকের পেছনে সরকারি জায়গায় নতুন করে অবৈধভাবে শতাধিক গ্যারেজ তৈরি হওয়ায় এসব সরকারি জায়গা দখলমুক্ত করতে যথাযথ পদক্ষেপ নেওয়ার সুপারিশ।
- ঙ. **যুগান্তর** : শুষ্কমুক্ত জ্বালানি তেল আমদানির বিষয়টি বেসরকারি বিদ্যুৎ কেন্দ্রের মালিকদের হাতে ছেড়ে দেওয়ার সিদ্ধান্ত পুনর্বিবেচনা করে দেখার সুপারিশ।
- চ. **সমকাল** : প্রয়োজনের তুলনায় বেশি বিনামূল্যের পাঠ্যবই ছাপায় সরকারি অর্থের অপচয় হওয়ায় স্কুলের চাহিদা সঠিকভাবে নির্ধারণ করে পাঠ্যবই ছাপানোর আহ্বান।
- ছ. **ইন্ডিপেনডেন্ট** : ভেজাল, নিম্নমান ও ক্ষতিকর রাসায়নিক মিশ্রিত পণ্য সামগ্রীর ক্ষতিকর প্রভাব থেকে জনগণকে রক্ষায় ভোক্তা অধিকার সুরক্ষা আইনের কঠোর প্রয়োগের প্রত্যাশা।
- জ. **ডেইলি সান, প্রথম আলো, ইনকিলাব** : জলবায়ু পরিবর্তনের ঝুঁকি মোকাবিলায় বাংলাদেশকে বিশ্বব্যাপ্তকের ঋণ নয়, ক্ষতিপূরণ আদায় করা ও সহায়তা পাওয়ার পদক্ষেপ নেওয়ার সুপারিশ।
- ঝ. **ডেইলি স্টার** : বগুড়া জেলায় রেললাইনের ১৮টি লেভেল ক্রসিংয়ে কোনো গেটম্যান বা ক্রস বার না থাকার বিষয় তুলে ধরে কর্তৃপক্ষকে এ ব্যাপারে সতর্কতামূলক পদক্ষেপ নেওয়ার সুপারিশ।
- ঞ. **নিউ এজ** : রাজধানীর পার্ক ও উন্মুক্ত স্থানগুলোর সুরক্ষায় সরকারকে যথাযথ উদ্যোগ নেওয়ার আহ্বান।
- ট. **নিউ নেশন** : ব্যাংকে টাকা না রেখে সরকারি সঞ্চয়পত্র কেনার প্রতি জনগণের আগ্রহের কারণে সরকারের সুদ বাবদ ব্যয় বেড়ে যাওয়ায় এ প্রবণতাহ্রাসে বিনিয়োগ পরিবেশ উন্নত করার ওপর গুরুত্বারোপ করে সম্পাদকীয় প্রকাশ করেছে।

উপ-সম্পাদকীয়

সংবাদ পত্রিকায় প্রকাশিত কলামে বাংলাদেশের উন্নয়নের বর্তমান ধারা অব্যাহত রাখতে হলে আওয়ামী লীগকে স্বচ্ছ, সুন্দর ও আত্মসমীক্ষার মুখোমুখি হওয়া দরকার। কেননা আওয়ামী লীগের নেতৃত্ব ও বাংলাদেশের ভাগ্য একসূত্রে গাঁথা বলে উল্লেখ করা হয়েছে।

নিবন্ধ ও ফিচার

ইত্তেফাক পত্রিকায় প্রকাশ 'দারিদ্র্য ও উৎপাদনশীলতা' শিরোনামের নিবন্ধে হায়দার আহমদ খান এফসিএ ছাত্র, শিক্ষক এবং প্রশাসনের শতভাগ দায়িত্ব পালন নিশ্চিতকরণের মাধ্যমে শিক্ষাক্ষেত্রের উৎপাদনশীলতার শতভাগ অর্জন সম্ভব বলে অভিমত প্রকাশ করেছেন।

#

শুকলা/মরজিনা/রশীদ/আফরোজা/২০১৬/৯.০০ ঘণ্টা

